

մտազիր չէ քայլեր անել նախկին ոռւս-տաճկական սահմանները անցնելու համար: Նամանաւանդ, նա իրաւուք ունի յուսալ, որ Տաճկաստանը չպիտի միջամտի այն հարցերին, որոնք վերաբերում են Հայաստանի ներքին գործերին և այս տեսակէտից Ձեր պահանջը Օլթիի շրջանը, որը կազմում է Հայաստանի Հանրապետութեան անվիճելի մասը, հայկական գործառնական մաքրելու մասին և յիշեալ շրջանում ձեր ասկեարները յարձակողական շարժումները բոլորովին անըմբռնելի և անթոյլատրելի են:

Հաւատարիմ իր խաղաղասիրութեան՝ հայ ազգը պատրաստ է երկարացնել բարեկամութեան ձեռք ամէն այն ազգին, որը՝ իր կողմից ճանաչում է լիովին նրա պատմական, ազգաբնակչական, պետական օրինական իրաւունքները և ուրիշ ազգերի նրա հանդէպ ունեցած վերաբերումից կախած է հայ ազգի վերաբերումը դէպի այն վերջինները:

Ընդունեցէ՛ք յարգանացս հաւատարիքը:

Արտաքին Գործերի Գարտուղար՝ Տէր Յակոբեան.

28 յուլիսի 1919 թ. № 4515»:

Հայ-վրացական խորհրդաժողովը շարունակում է իր աշխատանքները: Արդէն կնքել է դատական պայմանագիրը: Ազատօրէն գէնք փոխադրելու երաշխիքը ստացած է: Բայց տերիտորիալ հարցերի վերաբերմամբ մեր դրացին շատ մեծ ախորժակներ ունի. նա պահանջում է մինչև անդամ Սահահնը, Արդահանը, Օլթին (քացականչուքիւններ ու ծիծաղ տեղերից): Մենք յոյսեր ունենք, որ մեր բանակցութիւնները Վրաստանի հետ յաջողութեամբ կը վերջանան և դարերի բարեկամները և միատեսակ կուլտուրա, միատեսակ թշնամիներ ունեցող ժողովուրդներն իրար կը հասկանան: Ես ունեմ այդ հաւատը և կարծում եմ, որ նոյնը պիտի լինի նաև Վրաստանի կառավարութեան և ժողովրդի մէջ:

Պարսկաստանի հետ ամենամտերիմ և բարեկամական կապն է պահպանել: Մենք մեր դիւանագիտական ներկայացուցչից կտրւած ենք եղել և միայն շատ հեռուոր ճանապարհներով ենք կարողացել կապ պահպանել: Մեր դիւանագիտական ներկայացուցչիչը բանակցութիւններ է վարել զաշն կապելու Պարսկաստանի հետ, որ մօտ օրերս կը ստորագրւի: Մի քանի օրից մենք կապ կը հաստատենք Պարսկաստանի հետ Ձուլֆայի վրայով (աղմկալից և երկարատև ծափեր):

Եւրոպայից մենք ստացանք իրական օժանդակութիւն, որի համար մենք արտասայտում ենք մեր երախտագիտութիւնը: Չէզոք պետութիւնները, Շվեյցարիան և Սկանդինաւեան պետութիւնները մեծ ուշադրութիւն են դարձնում մեր հանրապետութեան վրա: Նրանք հինգ տարով բաց են անում մեզ խօշոր վարկեր, մեծ քանակութեամբ մթերքներ, կենդանիներ, դործիքներ, տրանսպորտի միջոցներ գնելու համար: Այդ վարկերի բացումը յաջողացրել է մեր արտասահմանեան պատւիրակութիւնը:

Խորհրդային Ռուսաստանը, թէև պատրաստակամութիւն յայտնեց մեզ հետ բանակցելու և խօսքերով շատ «բարեացակամ» տրամադրւած ցոյց տւեց դէպի մեզ, բայց գործով և իրականում նա ոչ մի բանով չի տարբերում Ազրբէջանից: Ըստ երևոյթի, բարեացակամ վերաբերմունքի մենք կը հանդիպենք միայն մեր գործի միջոցով (աղմկալից ծափեր):

Ազրբէջանում, ուր կայ սարսափելի հալածանք հայ տարրի դէմ, մասնաւորապէս զաշնակցականների հանդէպ, բանտարկւած են մօտ 2500 հոգի, որոնք ենթակայ են ամէն տեսակ բռնութիւնների ու դաժանութիւն-